
RAGAD ADVERTENTIE:

Kabar premili: 1 — 30 temboeng f 1. —
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris:
(apes: f 1,25).
Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.

Hoofdredacteur:

B. S O E M A R N A

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN

SWARA TAMA

sampoen kalijan regining Soera Katholiek

1 taoen f 7,50 } njoewoen kabajar
1/2 „ f 3,75 } roemijin.

Adrèspoen Redactie lan Administratie

IGNATIUS-COLLEGE

DJOKJAKARTA.

Drukkerij „Canisius“ Djokja.

ISINIPOEN:

Lampah koela datang Ngeroem —
Gesang rerajatan — Glédahan P.N.I.
— Njoewoen priksa — Wangsoelan —
Tja os pamrajogi — Pantès tinoelad
— Sampoén makaten — Boten ask
boten serik, atiné nggandjel sa-
dingklik — Ontjèn sekar gambir me-
lati — Oerap-sari.

LAMPAH KOELA DATENG NGEROEM.

Rome (30) 29 Nov. 1929

Via S. Nicola da Tolentino, 8.

Sambetipoen Sw. Tm. no. 47.

Djam satengah sedasa sonten sepoer sampoén mbengoeng ngreng-seng goemrasak grobjagan nradjang ril-ril ingkang pating sliwer wonten ing amplassemèn setasipoen München. Dados saking Mainz datang München poenika lampahan wetawis sedasa djam, mekaten poenika lampahipoen sepoer doer ingkang nganal, awis mandeg. Éwasemanten saking roemaos koela kados dèrèng dangoe anggèn koela tengok - tengok nglangkoengi kita Ludwigshafen — Mannheim, Heidelberg — Bruchsal — Stuttgart — Ulm. Ingkang moeroegaken koela wonten ing sepoer wanoeh tepang kalijan Pengagenging para Rama Salesianen, ingkang roemijin sinaoe wonten ing Universiteit Gregoriana; mangka Rama waoe loetjoe, ndemenakaken. Koela garap inggih kersa kémawon ngantos kapingkel - pingkel. Amrih sampoén kamaoengsan anggènipoen ger-geran tjara Latijn. Doemoegi ing München Rama waoe ngilairaken danganing penggalihipoen lan ngadjeng-adjeng datang koela wonten dèpokipoen Arga Santa Helena ing kita Trier.

Medak saking sepoer kapapagaken Rama Fr. Müller, bangsa Luxemburg tjalon Prof. ing Tokio, ingkang sapoenika taksih napsaken pasinaonipoen wonten ing Universiteit München.

Dinten Rebo éndjing lan sijang moebeng ndjadjah kita München, kaeteraken ing resi moeda bangsa Deutsch, Gottlieb Sleicher, siswa loehoer ing kasoesastran lan kagoenan djamana kina. Ingkang koela djoedjoeg pamoelangan loehoer ing München. Siswanipoen éwon, sedaja kawroeh, kasoesastran lan kagoenan kawoelangan. Anggèn koela moebeng - moebeng watawis satengah djam. Para student ngleresi ngaso, sami pating krompol, pating glédrah, oejeg gineman warni - warni.

Semanten katahing moerid loehoer, éwasemanten koela boten mranggoeli satoenggal kémawon, ingkang penjénjengan, djalatan oetawi oemoek, kementoes, goemagoes, agengipoen ngedak - edakaken. Prakawis sandanganipoen pasadja, ingkang katah limrah sanget mèh kloewoek-kloewoek. Minangka tengering pasinaonipoen wonten ingkang nganggè kopjah oetawi ketoe biroe, abrit. Menawi koela tandeng kalijan siswa tanah Djawi temtoe kawon sorot panganggènipoen, nanging saking panginten koela rak oenggoel kawroeh, dasar, gregat sarta kasipoen. Tjobi koela atori njawang para moerid Mulo oetawi pamoelangan tengahan ing tanah Djawi. Tobat-tobat! goembjar, kinjtlong-kintjlong, nanging boten kirang ingkang kotong.

Rakiting gedong Universiteit pakolèh, semoea tanpa ngagètaken. Wonten kamar satoenggal ingkang boten patos ageng, nanging saged ngewrat siswa 700, inggih poenika ingkang dipoenwastani gedong „auditorium maximum“ alias ageng - agenging panti oeninga. Satjelaking gapoera ing nglebet kebak oendang-oendang, pratélaning woe-
langan lan prakawis sanèsipoen ingkang perloe dipoensoemerepi para siswa. Malah wonten oegi pratélanipoen boekoe ingkang mentas kawedaken ing babagan kawroeh, kasoesastran lan kagoenan warni².

Saking Universiteit noenten datang balé - poestaka oetawi biblio-

theek gadahanipoen Negari. Gedongipoen ageng, mawi kamar sedijang ingkang sami badé njamboet-damel migoenakaken boekoe-boekoe ing ngrikoe. Nalika koela mlebet koela soemerep prijantoe kakoeng poetri bangsa kalih atoesan ingkang ndjngleng toewin nggekeng sami njerat oetawi maos, tanpa sebawa malah boten wonten ingkang toemenga nalika kori dipoenengakaken.

Sarèhné München poenika kita ageng, poeseripoen tanah Duitschland sisih kidoel toer kala roemijin kerep dipoenrawoehi Sang Praboe, pramila katah sanget gedong-gedong ingkang ageng, saé, pantès kapratélakaken. Nanging amrih boten kepandjangan, sebab poen manah selak kemetjer datang Roem, koela tjoentel samanten kémawon.

Ingkang badé koela atoreraken namoeng kawontenanipoen Kathedraal, Basiliek lan Grédja-Grédja ing kita ngrikoe. Katedralipoen kina, ageng, inggil, nglebet semoea, bregas. Sadèngah Altaar katingal amrok, trintjing noeding manginggil, penoeh oekir-oekiran. Sadaja tjéngkok gothiek. Basiliekipoen taksih énggal, nanging saé sanget, merbawani margi sakanipoen marmèr boender ageng inggil, djèdjèr kalih larik, njanggi empjak sabaloenganipoen. Pedalem-an soetijs sanèsipoen sadaja katingal kopèn resik. Tjéngkokipoen wonten ingkang barok, wonten ingkang Romaansch.

Kinten-kinten djam satengah pitoe sonten koela sami ngadjengaken lampah saking München datang Innsbruck ing tanah Oostenrijk. Wonten ing Innsbruck njipeng sedaloe.

Menggah Innsbruck poenika kita kina kaapit-apit redi mèh tepoeng gelang toer inggil-inggil. Nalika koela mlampah datang setasipoen, raga kagèt njawang woedjoeding redi-redi. Ing soekoepoen idjem, ing poetjak lan djoerang-djoerang ing kenditkatingal petak memlak katoetopan saldjo. Samangsa kasorotan soerja katingal asri sanget, gilap petak soelak biroe. Nanging oepami koela kapoerih gegrija ing Innsbruck kinten koela dangoe-dangoe boten kraos, sebab roemaos roepek.

Djam satoenggal mangkat saking Innsbruck nenggel redi ing Tirol, nglangkoengi Bernero, andjog ing Itali. Wiwit Innsbruck doemoegi Verona tanahipoen moenggoeh sanget jèn katjandra.

Nanging sarèhné kaselak notol koela sidem kémawon. Koela atori menggali: Ing paredèn Tirol, tanah woetah-rahipoen Rama Prenthaler, grijanipoen alit perkis, mrètjet oenda oesoek toemèmplek pèrènging paredèn. Satengahing doesoen temtoe wonten Grédjanipoen ingkang menaranipoen inggil, noedingi pinangkaniipoen samoekawis ingkang sarwa éndah. Poenapa poenika boten ménginaken?

Sareng sampoén peteng margi ingkang minggah datang poetjak ing redi kapadangan lampoe èlèktris, jèn kasawang saking katebihan katingal kados léjong ageng nlosor mengandap. Poenapa poenika boten ngresepaken?

Saking Verona sampoén daloe, mripat arip, nanging sarèhné dipoenojok-ojok inggih kepeksa mèlek. Sareng tengah daloe kraos mblijoet toemoenten tilem. Wantji bangoen kerep ngililir, sareng tangi gragapan ningali djam, sampoén dj. 7 éndjing.

Saja dangoe poen manah saja degdegan, sabab njaketi poera soektji. Djam 8.30 andjog ing Roem ladjeng teroes datang pondokan, inggih poenika Borgo Santo Spiritu 5.

Sasampoénipoen bagé-binagé lan ngaso sawatawis, koela dipoenparingi kartijs kanggé mlebet ing Vaticaen perloe ndèrèk sowan datang bangsal satjaketipoen pakowon-dalem Kangdjeng Santo Rama.

Awit wonten ing bangsal ngrikoe ngleresi dinten Setoe tanggal 20 November 1929, ngersa dalem Ingkang Sinoehoen Kangdjeng Sinanta Rama badé tedak sinéwaka, ndjenengi pamaosipoen nawala dalem

ingkang minangka dados kekan-
tjanganipoen Saahid Imam Giovanni
Ogilbee s.j. ingkang badé kakepak-
aken kaangkat djoemeneng Soebagja
ing woelan December ngadjeng
poenika. A. S.

LARASATI.

GESANG RERAJATAN LAN DJAGAD SOCIAL.

Wewenang lan wadjabipoen tjang sepoeh datang anak.

Sinten ingkang kawadjaban nggoela - wentah anak (laré)? Para maos temtoe sampoén boten kekilapan, teroes saged mastani, bilih tjang sepoehipoen ingkang kabebahan moela-sara anakipoen. Tjjang sepoeh ingkang kedah nekapi kabetahanipoen laré. Déné kabetahan poenapa, badé karembag ing béndjing.

Sanadjan prakawis makaten poenika sampoén tjeta sanget, sadjak sampoén boten wonten ingkang badé njékal oetawi ndébat, sabab sampoén namé tjeta wéla-wéla, éwasamanten sawenèhing tjang meksa kok inggih wonten ingkang legan golèk momongan, ngoengkiri prakawis méglas sanget, langkoeng-langkoeng ing djam roemijin nalika revolusie ing Parangkak. Danton, Robespierre lan sanèsipoen poeroen (wani) tjarijos, bilih laré poenika gadahanipoen Negari (staad), dados inggih Negari ingkang tinanggenah ngoepakara laré, sanès tjang sepoehipoen.

Sadaja kémawon ingkang ngoegemi lan ngenggèki (boten soesah pilih - pilih) dedasar 1789 nginten panggoela - wentahing laré poenika sanès wewenanging tjang sepoeh kabekta saking sampoén pinastit ing kodrat (natuurlijk recht) ananging poenika wewenang oemoem, ingkang namoeng dados gadahanipoen Negari.

Kaoem sosialis gadah paneda, samangsa laré sampoén boten betah (boetoe) kadjagi ing bijoeng, kedah teroes kadadosaken satoenggal; laré djaler èstri kasami lan kasarengaken pandidikipoen.

Poenapa makaten poenika badé saged toemindak? temtoe boten. Tjjang sepoeh boten badé narimahaken, manawi wewenangipoen karebat ing tjang sanès. Atas anggering kodrat (natuurwet) tjang sepoeh ingkang kawadjabaken nggoela-wentah poen laré lan margi poenika inggih ladjeng gadah wewenang ngoepakara.

Sampoén samestiniipoen jèn tjang sepoeh kalijan anak tinangsoelan ing katresnan raket sanget. Anak gadah asih lan kapitadosan datang tjang sepoeh. Sanadjan taksih laré pisan ngraos loeloet datang bapa, langkoeng - langkoeng datang iboe (bijoeng). Anak roemaos ajem lan djen-djem, manawi njandjing tjang sepoeh, sabab poenika dados pangajomaniipoen; wonten poenapa² inggih tjang sepoeh ingkang dipoentolèh. Margi ingkang makaten poenika sadaja piwoelang saha pitoetoeripoen tjang sepoeh poenika saèstoe ageng daja lan prebawanipoen (invloed). Kawontenan ingkang makaten poenika (katresnan, ingkang prasasat anggèndèng tjang sepoeh kalijan anakipoen) mratjihnani, bilih tjang sepoeh ingkang kedah dados pendidik.

Goesti Allah, ingkang asipat gesang, poenika dados toeking sadaja ingkang koemelip ing donja ngriki, inggih toeking ngagesang, inggih ngagesangipoen laré. Ananging tjang sepoeh inggih toemoet-toemoet, sebab dados lantaran njoekani gesangipoen laré. Sarana njoekani gesang, inggih ladjeng kedjabah ndjagi gesangipoen waoe. Tjjang ingkang kasinoengan kadjeng mardika, poer nanging kedah kaopea-kara, kadidik sagedipoen madjeng, katoentoen kadjengipoen dados tjang sampoerna.

A.

GLEDAHAN P. N. I.

MANAWI NJATA BADÉ BRONTAK, KEDAH KASIRNAKAKEN !!

— TAKSIH WONTEN KÉMAWON POELISI MARA TANGAN. —

— 0 —

Glédahan ing grijanipoen para manggala P.N.I. kala 29 December, saèstoe damel gondjingipoen djagad Indonesiah! Langkoeng - langkoeng déné tanpa wonten kalesik langkoeng roemijin!

Éwadéné toemrap para ingkang ngoelataken kalébatipoen P. N. I., dalasan para pangandjoeripoen P.N.I. pisan, meningi kadadosan kados makaten poenika boten patos gèt-gèten. Djer, tetijang poenapadéné para leider waoe, mesti inggih mangretos tjalon bot-répotipoen pakempalan ingkang atradjang revolusionair! Mangretos oegi, wiwit lahir mila P.N.I. tansah kaintjeng Nagari.

Doemadosing lalampahan ing nginggil, samanéke saja anjetakaken sanget tangkebipoen Paréntah Indonesiah kalijan pakempalan P. N. I. P.N.I. saja dipoenpidih, dipoenoe-njeri, dipoenkerasi. Tjara kapalipoen: kaetrapan kendali rangah! Jèn segawona, dipoenbrangoes!

**

Kados ingkang kapratélakaken ing serat-serat kabar, anggènipoen Paréntah nindakaken glédahan, nanging leider-leider P. N. I., poenika margi midanget bilih wonten ing akiring taoen 1929, P. N. I. badé sami brontak. Kanggé angjektèkaken pakabaran waoe, Nagari ladjeng nindakaken glédahan, regedeg sareng ing sa-Indonesiah, toenggil dinten, toenggil djam.

Brontak! P. N. I. - er, brontak! Dajanging temboeng „brontak“ adamel geter, mrinding, atising manah! Ing salebetipoen pangangen - angen kados soemerep: bangké pating goelasah, radja-tatoe pinten-pinten; tetijang èstri nangis kekitrangan; laré-laré pating djerit; soewantening bedil, pistoel, pating djedor! . . . O, saèstoe anggegiri-si! ngeres-eresi!

Koela tjang sadjawining rangkah P. N. I. Koela sadaja sami ngèsti katentreman! Pangadjab koela: rahajoe. Sasanti koela: wilodjeng! Mila koela boten tédèng aling-aling: kita wandawa Katholiek dalasan parté kita, boten seneng brontak; soetik brontak!, Djer sampoén tétéla sanget brontak poenika wohipoen namoeng: risak, sangsara, pepes! Kita ngangkah mardikanipoen tanah kita, poenika ngèsti: katentreman, karta rahardjaning Indonesiah. Mila, kita kedah ngoewod katentreman! Gegajoeahan kita kedah rahajoe! Manah kita kedah tentrem, boten koemroengsoeng, groesagroes!

Mila, manawi tandangipoen Nagari kala 29 Dec. waoe, saged soeka paseksèn, saged amboektèkaken datang kawoela, bilih P. N. I. mila badé brontak.

„Negari kedah ladjeng toemoenten angitjali P. N. I.“

Para maos! Déde koela ingkang neda itjalipoen P. N. I. (samangsa katjihna pantjèn badé brontak) *Katentremaning kawoela*, ingkang ngoewoeh sasoranipoen, neda itjalipoen P. N. I. *Katentremaning kawoela ingkang*: minta sekoeatnja-koeatnja soepaja P. N. I. disapoeh bersih, itoepoen kalau dari adanja glédahan baroe-baroe ini, ternjata P.N.I. ma-
oe brontak, meroesak keamanan!

**

Déné manawi serat-serat lan boekoe-boekoe pinten - pinten grobag

ingkang kaoesoeng datang kantor poelisi, boten saged amboektèkaken manawi P. N. I. - er badé brontak, poenika Nagari meksa boten kadoe-noengan lepat margi anggènipoen nindakaken galédahan. Djer anggènipoen toemindak makaten waoe sampoén dados wadjabipoen roemeksas katentreman.

Éwadéné, sanadya roemeksas katentreman pisan, meksa wonten tindakipoen poelisi ingkang pantès kasarowé.

Kados ingkang kapratélakaken ing Sw. T. kala Djoemoewah kapengker, wonten moerid Taman Siswa ing Ngajogjakarta ingkang kataman kèntèsipoen poelisi, margi badé mendet boekoenipoen. Katrangan ingkang langkoeng pandjag ingkang koela pireng makaten:

„Éndjing waoe, wonten moerid Taman Siswa sakawan taksih alit-alit dèrèng oemoer 15 taen datang wonten sangadjing sakolah. Kori-kori ingkang mlebet T. S. sampoén kadjagi poelisi. Salah satoenggiling laré waoe wonten ingkang pamit poelisi badé neda boekoenipoen datang kanta ingkang wonten nglebet. Poelisi boten angsal. Laré wangsoel, moeroegi kantanipoen ingkang sami ngentos wonten satjelakipoen ngrikoe. Ladjeng sami adag-adegan, omong-omongan. Poelisi soemerep laré-laré waoe, kapoerih ké-sah. Nanging mangsoeli anggènipoen wonten ngrikoe boten nedyas poenapa - poenapa. Poelisi mireng wangsoelan makaten poenika, boten seneng. . . . Kelampahan kèntèsipoen poelisi no. 157 katamakaken batokipoen laré ingkang nama Rochmin. Sanalika poenika oegi Rochmin dawah klenger ngedaken rah. Sangadjingipoen T.S. ladjeng koemroebot koet tjang. Laré - laré èstri ingkang wonten nglebet, sami ndjerit, nginten manawi poelisi soroh amoe Rochmin kabekta datang grija sakit Petronela.

**

Para maos! Sinten ingkang ngrasosaken kawontenan ing nginggil mesti ngeres.

Boten namoeng sapisan poenika kémawon koela mireng tandangipoen poelisi remen mara tangan. Veld-politie pantjèn katah ingkang oegal-ogalan remen main tendang, main tabok, main doepak, lss. Prakawis poenika malah mèh kémawon dados padatan! Mila inggih boten anèh tjang ingkang mastani: katah kanta alit ingkang anggepipoen datang poelisi namoeng kados toekang keproek lss.

**

Mangsoeli poelisi no. 157 kaseboet nginggil! Poelisi anggènipoen kaparingan dadamel poenika kanggé roemeksas kawilodjengan. Boten kanggé mainan! Boten kanggé njepaki mara tangan! Mila poenapa patrapipoen poelisi 157 makaten waoe nama roemeksas kawilodjengan? Poenapa sampoén tétéla terang poen laré badé nglawan badanipoen ?? Sembada nglawan pisan, sapinten gendranipoen laré, toer boten ambekta dedamel! Mangka poelisi ingkang wonten ngrikoe boten namoeng no. 157 pijambak!! Poenapa boten saged njinghiri soemi-toeting tangan anamakaken kèntès? Mila sampoén leresipoen, poelisi no. 157 waoe, pikantoe paekoeman ingkang moerwat.

Poerwakinanti 31 Dec. 1929.

Taklim: A. S. D.

Margi liberoan 1 Djanoewari, karangan ing nginggil saweg saged kapatjak dinten poenika.

Red. Sw. T.

WARA - WARA.

Sampoén katah sadèrèk ingkang ngintoenaken arta kanggé kwar-taal ing taoen poenika.

Mila lengganan sanès ingkang roemaos noenggak koela atori maringi kekiranganipoen.

Déné lengganan Ngajodja sampoén dipoensowani looper.

Ing sarèhning padoenongan koe-la nilempit, toer kepalangan ing benawi Serajoe, kamangka ing wek-toe poenika mangsa rendeng, dados poen benawi tansah doeka (bandjir). Jèn mekaten rekaos saged koela sesrawoengan kalijan sedèrèk sanèsipoen (boten wonten kretégipoen). Samangsa wonten prekawis ingkang boten koela ngertos, inggih keladjeng boten mangertos. Badé takèn dateng kantja ingkang noenggil pedamelan boten mangertos, dateng prijantoe sanèsipoen, boten wonten. Djalaran doenoenging papan koela njamboet damel tebih lèr kidoel. Poenapa takèn dateng tjeng-gèrèt nong oetawi oté-oté? Awit inggih namoeng poenika ingkang katah. O, inggih ding, koela ke-soepèn menawi gadah mitra lan sedèrèk sepoeh pinten-pinten, ingkang sami dedalem ing kita, toer sami djempol-djempol. Milanipoen koela blaka, boten isin njowoen priksa dateng para sedèrèk, sinten ingkang sardjoe paring wangsoelan. Ing ngandap poenika lo pitakèn koela.

I. Oepami wonten tijang Katholiek, sampoen ketjaget wonten ing Stamboek Burgerlijke Stand, ing woesana idjab kalijan tijang èstri golongan sanès (boten Kristen), idjabipoen wonten ing mesdjid. Dados tijang waoe nama sampoen njélaki agami Katholiek (moertad).¹⁾ Pitakènipoen:

a. Poenapa tijang waoe taksih kegolong prenatal Burg. Stand? ²⁾
b. Soepados kawedaken saking prenatal Burgerlijke Stand (margi ngemohi Katholiek), poenapa ndadak nglampahaken penjoewoenan, soepados dipointjorèk namanipoen?³⁾
c. Menawi tijang waoe kèndel kémawon kados-poendi? Poenapa inggih kalepatan? ⁴⁾

d. Oepami tijang waoe gadah anak lan boten nindakaken kados ingkang kasebat ing b. mangka bapa boten lapoer dateng ambtenaar van Burgerlijke Stand, margi roemaos sampoen dédé tijang Katholiek. Poenapa tijang waoe inggih nama kalepatan?? Lan inggih dipoendenda ing negari f 100 (zegge. satoes roepiah)?? Memelas, temen ta-nèh!⁵⁾

e. Poenapa kalepatan ing d waoe namoeng kèndel nama lepat, boten ndjawi dateng dinesipoen? ⁶⁾

f. Wangenanipoen lapoer (kasèp-kasèpipoen) pinten woelan of taoen? ⁷⁾

g. Poenapa sebabipoen déné prijantoe sanèsipoen, kedjawi ingkang kasebat ing prenatal Burgerlijke Stand (Ingkang kagoengan sebatan radèn, bajaranipoen f 100 minggah, bangsa opsir, golongan Kristen priboemi), boten kegolongaken prenatal Burgerlijke Stand? Poenapa dipoen-galih rekaos toemindakipoen? Rekaos poendi kalijan golongan Kristen priboemi ingkang dèrèng mangertos piwoelanging sekolahan? Oetawi ingkang manggèn ing doesoen-doesoen? ⁸⁾

h. Oepami wonten tijang wiwitan bajaranipoen f 50 (sèket roepiah), mindak-mindak doemoegi sanginggilipoen f 100 (satoes roepiah). Menawi sampoen f 100 langkoeng, poenapa inggih kakéngingaken Burgerlijke Stand? ⁹⁾

i. Poenapa sebabipoen Kristen priboemi ing Vorstenlanden boten kakéngingaken prenatal Burgerlijke Stand? ¹⁰⁾

ii. Sedaja tijang Katholiek menawi badé sesémahan sasaged-saged poenapa kedah pikantoe wanita Katholiek. Poenapa boten mekaten? Lan malih boten kénging pegatan. Lan koela pijambak ngakeni jèn djodo (sémah) poenika peparipipoen ingkang Maha-kawasa, kita namoeng kedah ichtjari madosi poendi ingkang badé dados sisihan kita, boten kénging ngawoeg. Sapoenika koela gadah pitakèn:

a. Poenapa prija Katholiek mesti saged pikantoe wanita Kath.? ¹¹⁾
b. Poenapa boten badé kelampahan wanita Katholiek kawengkoeng ing prija golongan sanès? Sasomerep koela saweg setoenggal. ¹²⁾

c. Kados-poendi penggalihanipoen sedèrèk wanita? Ènget lo dangoe-ning-dangoel! Lan kedah ènget dateng kawontenaning prija golongan sanès anggènipoen mengko sémah! Poenapa badé saged marem? ¹³⁾

d. Prija of wanita Katholiek saepami (saged kelampahan) kelampahan badé idjab kalijan prija of wanita golongan sanès. Mesti kémawon idjabipoen kedah wonten ing Grédja, samangsa boten poeroen dados Katholiek. Senadjan sampoen sami tresnanipoen, nanging tijang sepoeh boten ngilani, jèn dados Kristen oetawi idjab ing Grédja. Poenapa inggih kelampahan kedah ngloempati palang? Poenapa boten kalepatan ing ngarsaning ingkang Maha-kawasa jèn kelampahan mloempat ing palang? Sebab boten

mbangoen mitoeroet ing tijang sepoeh?¹⁴⁾

Déné anggèn koela gadah atoe mekaten poenika, ngèngeti bilih kita poenika sapérangan ageng gesang wonten ing papan ingkang tijangipoen dèrèng dojan dateng Agami Katholiek. lan malih koela sampoen naté dipoentakèni sedèrèk lan inggih sampoen soemerep pijambak lelampahan ingkang kados mekaten. Milanipoen sarèhné koela boten patos damang, prekawis poenika koela atoeaken dateng para sedèrèk ingkang karsa paring wewengan, langkoeng-langkoeng rama redacteur ingkang mesti pirsu dateng prekawis poenika. Wasana sadèrèng lan sasampoenipoen koela amoeng ngatoeraken panoewoen koela.

Taklim koela poen
Biroe Laoet
(namoeng dédé Air Laoet).

Sabab pitakènan poenika ngantjik mèdjaning redactie roemijin, mila kita njaosi:

Wangsoelan.

Pèngèt. Moerih gampilipoen, sabben-saben mrangoeli tanda oepami 1). wonten ing pitakènan, poenika wangsoelanipoen ing ngriki inggih mawi tanda makaten.

1). Elo, tijang Katoelik teka idjab mesdjid, moertad, poenika manoe pranatanipoen sinten? Boten manoe pranatanipoen Goesti Allah, ngatos-atos lo, moengsoehan djare karo Goesti Allah. Dadi gawé! Bok di-poensandjangi, sadèrèk Biroe Laoet! Kadjengipoen wangsoel saé malih!

2). Inggih. Angger sampoen ketjaget, kedah teroes netepi pranatan Burgerlijke Stand (Manoet boekoenipoen H. van Houten katja 329).
3). Manoet wangsoelan no. 2 ing nginggil poenika, boten kénging njowoen dipointjorèk namanipoen. Kalijan malih ambtenaar van den B.S. mangsa poeroena, adjrih jèn kadenda.

4). Burgerlijke Stand toemrap tijang Djawi Kristen lsp. poenika manoe art. 6 namoeng ngewrat 1e. kalaيران (kaserat ing Model A), 2e. mendet oetawi gantos nama (Model B), 3e. jèn pedjah (Model C lan D).

Mitoeroet wangsoelan angka 2, tijang ingkang moertad waoe (la kok moertad ta!) oepami gantos nama inggih kedah lapoer; jèn mèndel, temtoe kalepatan.

5). Tijang ingkang moertad waoe idjabipoen boten absah, dédé idjab namanipoen. Ing ngriki angèl anggènipoen mangsoeli. Oepami idjabipoen absah, temtoe kémawon jèn gadah anak, kedah lapoer. Nanging idjabipoen boten absah (djalaran boten manoe pranataning Pasamoewan), ladjeng kados-poendi bab anak waoe? Nitik artikel 33, laré anak ingkang ingkang boten émah-émah absah, kedah kalapoeraken. Nanging saking panginten koela, manawi bapa lan bijoeng sami Kristenipoen. Tjebi sadèrèk Biroe Laoet koela atoei takèn-takèn: oepami wonten Wlandi mendet sémah Djawi, nanging boten idjab ing kantor, jèn gadah anak, kedah lapoer poenapa boten? Wlandi waoe oegi boten nama idjab. Mangké poenika kénging kanggé oelar-oelar. Manawi poetoesanipoen: tijang moertad waoe wadjab lapoer, inggih temtoe kalepatan, kadenda f 100.

6). Rèhné koela boten gadah boekoe „Instructie” toemrap goeroe oetawi prijantoe sanès-sanèsipoen, pitakèn poenika koela boten saged gamblang badé mangsoeli. Tjebi njowoen priksa dateng salah satoenggil prijantoe ingkang njepeng „Instructie.” Poenapa ngrikoe njeboetaken: jèn keloepoetan dinesé didjawi.

7). Manoet artikel 29, lapoeripoen kedah dinten ingkang kaping sadasa bakda lair, Ngahad lan dinten saminiipoen Ngahad boten kaétang, mawi seksi kalih. Manawi kepalangan bandjir (kretég dadal) lsp., dinten ingkang kaping sedasa waoe kaétang saking wiwit sagedipoen njabrang. Dados boten kénging kasèp wewoelanan oetawi tetaoenan.

8). Prijantoe sanès wonten ingkang boten kagolong Burgerlijke Stand poenika saking panginten koela boten sabab rekaos ingkang nglampahi, nanging margi Negari taksih kèwedan anggènipoen nge-tjakaken. Embèn wingking Burgerlijke Stand temtoe toemrap tijang sadaja, awit Burg. Stand poenika satoenggil srana ingkang langkoeng déning perloe toemrap tata-tentreming pradja.

Tijang ingkang adjrih dados Katoelik oetawi sampoen Katoelik ladjeng ngloko déning wontenipoen Burg. Stand poenika mèmpèr kalijan tijang ingkang boten poeroen blandja f 100 sapangnggil margi adjrih dateng Burg. Stand. Malah tijang waoe nama langkoeng bodo, djalaran Agami poenika jèn katandang kalijan jatra sadjagad, aosipoen taksih tiket tekoek.

9). Ing art. 1 namoeng njeboet-

aken: Pegawai - pegawai sipil jang bergadji sekoerang-koerangnja f 100 seboelan, walaupoen mereka itoe telah mendapat pensioen. Manawi wonten tijang sapoenika boten kalebet ing Burg. Stand, bédjng sadasa taoen engkas dados Kristen sarta ladjeng kalebet ing Burg. Stand, temtoenipoen tijang ingkang sapoenika blandja f 50, jèn bédjng angsal blandja f 100 ladjeng kalebet ing Burg. Stand.

10). Saking pandoei koela, amargi ing Vorstenlanden poenika tijang-Kristen priboemi katoemoetaken pranatan Vorstenlanden, boten pranatan Goepremènan.

11). Tijang sadaja jèn sampoen émah-émah kanti absah, boten kénging pegatan. *Sasaged-saged* Katoelik sami Katoelik, awit 1e. toemrap kakoeng-poetri saged toenggil boedi lan kadjeng: dateng ing Grédja sareng, tampi Kommoeni sareng lsp. 2e. toemrap poetra, kalih-kalihipoen saged dados toelada saé. Nanging bokmanawi saged klampahan tijang Katoelik boten saged angsal Katoelik, amargi 1e. saking boten sami katabipoen prija Katoelik kalijan wanita Katoelik, 2e. saking boten sami remenipoen.

12). Inggih. Koela soemerep sampoen wonten. Emanipoen, boten kirang-kirang ingkang wanitanipoen Katoelik ladjeng asring soepé dateng Agami.

13). Pantjèn, prakawis idjab poenika toemrap wanita Katoelik prakawis angèl, djalaran asring ngentos 1e. jèn wonten ingkang nakèkaken, 2e. kawengkoeng ing tijang sepoeh ingkang dèrèng Katoelik. Sarèhné begdja tjilakanipoen tijang sesémahan poenika kasanggi pijambak, mila sadèrèngipoen pala krama kedah niti priksa pijambak, lan takèn - takèn menggah kelakoeanipoen tjalon garwa roemijin. Sampoen doemèh katingal kados Djanaka oetawi soegih, ladjeng moengel: gelem lan poeroen kapendet. Saged oegi poen prija saking kasmaran-

VAN LITH - STICHTING.

Poenapa

pandjenengan

sampoen

dados

warga V.L.S.

Pangrèh V. L. S.

Bijz. H. I. S.

MAGELANG.

ipoen ngantos sagah: Idjab Grédja, dadi Katoelik, ja gelem! Nanging sawoelan kalih woelan malih ladjeng katingal awoning kelakoean. Poen wanita kagebagan, oetawi kawajoeh oetawi kapegat. Mila saénipoen miterang roemijin dateng para sepoeh-sepoeh kadosta Rama Pastoor lsp. ingkang boten gadah kamélikan. Para prija Katoelik makaten oegi, sampoen kégoeh déning warni saé tok. Kapriksaa poenapa 1e. tani lan bekti ing Allah, 2e. mbangoen - toeroetan dateng tijang sepoeh, 3e. srepeg lan resikan, 4e. bagas-saras, 5e. sami babagipoen ing bab darah oetawi kasogihan (kinten-kinten kémawon), woesana *wekasan* 6e. saé ing warni.

14). Karsanipoen Goesti Allah, soepados dados Katoelik lan jèn meksa dèrèng poeroen, kedah idjab ing Grédja, dados kosok-wangsoel kalijan kadjengipoen tijang sepoeh. Jèn makaten kedah manoe Goesti Allah. Saminipoen jèn tijang sepoeh akèn mandoeng, boten kénging mbangoen-toeroet.

V A R I A.

TJAOS PAMRAJOGI.

(Schoolactie Medari).

Wah! mongkok raosing manah sareng maos actie - nipoen sadèrèk Medari. Oepami sanès panggénan, oetawi sadèrèk R. K. Djawi sami kados makaten sadaja, missie Djw. tentoe mak. . . . del soendoel langit. Nanging kawoeninganal Satrija ingkang kagoengan actie kedah kagoengan oetawi saged pados otot k a w a t; tegesipoen sanadjan toemandang saèstoe, meksa boten loengkrah oetawi tjapé; mila kawatipoen boten kénging sakawat-kawatipoen, kawat tosan (sèng), tembagi, boten kanggé; kawat pérak, radi mèmpèr; ingkang prajogi pijambak kawat djené mawi kaboentel kertas, alijas woedjoed „jatra katah”.

BOTEN SAK BOTEN SERIK, ATINÉ — NGGANDJEL SADINGKLIK.

Pamong Volkslecteur, dangoe-dangoe wonten ingkang gadah kareman, katanda saking anggèné damel ladosan dateng Volk, adon-adonipoen salah satoenggal dipoenkatahi; enggaa , temboeng nétral, saking kekatahen tjolokan dados vertleurd (mloetjoh dialect Tegal), toetoe kanétralan dados rembes, kakarembesan mihak sisih.

1e. Golongan Kristen wangenipoen ragi dipoenkoealonaken katanda; saking rembag Pararta, pamong „Kedjawèn” Loerah Garèng lan Pétroek, mastani tijang-tijang ingkang pedjah sinia ing Sang Nero, winastanan tijang soedoe k siria. Sebab pijambakipoen sampoen kanger-tosaken sadèrèngipoen!!! Elo, manawi njata mekaten pemang-gih Garèng lan Pétroek nama loear biasa.

Mangké gèk tijang èstri ingkang pedjah said, dipoenwas-tani soedoe k siria.

2e. Jèn nitik wartos-wartos Kristen, ingkang njakétjakaken manah dipoenbeteng, lan matjak ingkang asring-asring pangapoen-ten saking tjara, oetawi woedjoeding kabar njakitaken koe-pingipoen ingkang ketaman. Koela kekah mastani pamong „Kedjawèn” boten nétraal, nanging radi neetraal! Lan rèhning oemat Sw. T. klebet oegi djiniwit katoet lan temboeng Kristen. Gadah pangesah sanadjan golongan ringkih, nanging jèn dipoenbènèh saking hak, manahipoen kados ingkang sineboet ing titel.

3e. Bab Almanak.

Pitoetoer-pitoetoer lan kasaènan sanès ingkang oemoem lan kawrat ingrikoe, nandakaken pamong lan pengeroes volksalmanak, ngopi soklat (ta' maoe liat) dateng golongan Kristen, boten métok nanging ketawis. Kados almanak taoen 1930. pantjenipoen katah pakempalan-pakempalan Indija ingkang roemaos dipoenoenkoerakan, djalaran boten dipoenkatoetaken wonten rubriek tjekakan. Oemat Sw. T. katoet oegi wonten ko-

lom tidak dimoeat, nanging panjaroewé boten badé ngojak betah pijambak, namoeng mri-nani ingkang sami dipoenkoe-alokaken. Djer ngèngeti jèn Balai poestaka niat matjak sadaja namaning kempalan tek-sih saged, lan tirah saged, awit ingrika kekirangan poenapa.

4e. Ngèngeti isining waosan seraserat bibliotheek Djawi, a. mla-djenga, isinipoen boten sanès namoeng alap-alapan wanodya. Temtoe kémawon ingkang pantjen noedjoe preloe inggih wonten ming kémawon sekedik sanget jèn tinimbang lan waosan ingkang golong lan goeloeng-aning nalar, noentoe volk soepados wiwit alit sampoen adjargregeten dateng wiraga. Isi serat ingkang menggah maedjoed a, dapoer wanita baeet ngrakit laras, nata wiraga, audoedoe manah, tarikanipoen dateng kadosan inggih namoeng kawroehipoen alap-alapan ingkang tjoemantèl.

Basa lan kebaeodan dateng temboeng pèni-pèni, ingkang namoeng kanggé nrengga babagan manah gregeten koela wastani éman-éman sanget. Wonten kantja ngarang ingkang ketrimah tanggoehanipoen, margi ing dalem serat bolabali, wongsal-wangsoel ngrembag soal gregeten lan gemes.

Atoer koela kanti ngèngeti temboeng pantoentoen bangsa, dados manawi boten wonten tetemboengan mekaten, tjara bakoel barès bakoel, boten kepati-pati anggèn koela toemoet métani, sanadjan saged oegi boten dalem renané ingkang dipoenpétani, rèhning poenika prakawis oemoem dados kados prajogi koela tindakaken.

Namoeng gadah pangadjeng-adjeng manawi temboeng koela, jèn boten klintoe kalijan krenteging manah, toer ngrika kersa nglaras tepa salira, migoenani prajogi! Wah manah koela sembah noewoen, toer badé bingah jèn ingkang koela anggeg agoel-agoel berdjalan tegap dan loeroes tjotjog lan kajektosanipoen!

BAJOEWARA.

Saking pamrajogi koela, sarèhné Medari oegi sagah mbijantoe, poenika dapoer kaleresan, awit actie sanès ingkang peng-pengan oegi wonten, lan inggih saweg pados pambijantoe. Actie oendi poenika? Van Lith Stichting. Mangga poenika dipoensoeboeraken, dipoenra-boek ingkang katah, mangké actie Medari rak ladjeng teroes kaajoman oetawi karembag.

Wasana mangga sami kagalih. poen A. *Idapeos*.

PANTES TINOELAD.

Swara Tama tanggal 20 December no. 45 ngewrat verslag tjekakan saking studieclub Kath. ing Soerakarta. Ing ngrikoe katingal tjeta bilih sadèrèk Soerakarta madjeng saèstoe. Tradjang ingkang makaten poenika patoe ingalembana, pantes tinoelad.

Ing Couserie „Rond de Chineesche gelijksstelling” sadèrèk Sabdawijata ngandaraken bab: „Actie van het I. E. V. betreffende de gelijksstelling.” Pamedar sabda njarijosaken jèn N. I. P. i. p. nationaal Indische partij poenika ingkang ada-ada Douws Dekker (manoeet verslag) alijas Max Havelaar oetawi Multatuli, *) R. M. Soewardi lan Dr. Tjptamangoenkoesoema.

Manawi boten klintoe ingkang gadah initiatief poenika sanès Eduard Douws Dekker ingkang njerat Max Havelaar, nanging Douws Dekker ingkang taksih gesang. Eduard D. D. poenika lahir ing Amsterdam ing tahoen 1820. Sareng oemoer 20 tahoen késah dateng Indijè njamboet damel ing Algèr. Rekenkamer dados commies nomer kalih. Ing tahoen 1842 pindah njamboet damel ing B. B. sarta kabanoem assistent-resident ing Lebak taoen 1856.

Saweg sawatawis minggoe anggènipoen napak padamelan, ladjeng ngelah ingkang Boepati: Tandoe kados makaten poenika boten andadosaken renaning panggalihipoen Residen Banten. Tanggal 29 Februari toean D. D. njowoen pangadilan dateng toean Duymaer van Twist, G. G. ing djaman samanten. D. D. ladjeng kapindah dateng Ngawi. Sarèhning boten roemaos lepat dipoenlepataken, mila toewan D. D. neda ewerol ontslag. (29 Maart 1856).

Wiwitaning tahoen 1857 wangsoel dateng Europa. Ing ngrika ngarang boekoe „Max Havelaar”

*) Zie éwäh-éwahan saking Hercules [kabar 25 Dec. Solo] ing Sw. T. kapengker poenika. R. e. d.

oetawi „De koffieveilingen der Ned. Handelsmaatschappij” mawi nami sisinglon Multatuli.

Toean Eduard D. D. pedjahipoen ing Nieder-Ingelheim tahoen 1887. Dados N. I. P. dèrèng padja - padja wonten, D. D. sampoen boten wonten.

Gegajoetan kalijan: „Beteekenis der gelijkstelling op staatsrechtelijk gebied” sadèrèk pamedar sabda tjarijos „. boten kados déné para Indonisièrs taksih mawi karoeroes pating tjeroel wiwit dèssaraad, districtraad, Regentschapsraad, Landgerecht lsp.” Ingkang dipoenkersakaken ing ngriki bokmanawi districtgerecht, Regentschapsgerecht, Landgerecht lan sapanoenggilanipoen. Poenapa inggih makaten?

Bab beknopt overzicht over eenige der heerschende adtormen poenika kasinggihan perloe sanget dipoenngertos ingkang terang. Mila soemangga bab poenika dipoeninaoe sapisan engkas koela réntjangi saking katebihan.

Koela wangsoeli malih, tradjang ing sadèrèk Solo pantes dados toeladan.

N.

SAMPOEN MAKATEN!

A.— Riaja Decembaran poenika adimas tindak poendi? Ambarawa, Solo poenapa Semarang?

B.— (radi kèwedan anggènipoen badé mangsoeli). Boten dateng poendi-poendi?

A.— Elo, djalaranipoen poenapa? Poenapa gerah?

B.— Boten kamas, sadjatosipoen boten wonten ingkang njeroeng. Tijang administratie wingking saweg morat-marit.

A.— Wah poenika kesangeten dimas. Tjeta manawi boten patos kapenggalih saèstoe poenika. Bén-djing malih sampoen makaten dimas. Tijang namoeng sepisan ta dimas, setaen. Adimas priksa déné kok morat-marit.

B.— Soemerep. Margi anggèn koela remen d-o-m-i-n-o.

A.— La, soekoer manawi sampoen priksa. Dados inggih namoeng satoenggal sarananipoen amrih administratie wingking saged bèrès, inggih poenika sampoen kersa ngasta domino.

B.— Boten langkoeng pangèstoenipoen kamas kémawon, sageda koela nglampahi kados dawoeh pandjenengan poenika.

P. T. T.

O E R A P - S A R I

K A B A R O E M O E M .
I N D O N E S I A .

GLÉDAHAN lan TANGKEPAN P. N. I.

Swantening serat-serat kabar. — Toemoesipoen wonten Nederland toewin Raad Kawoela.

— 0 —

Sw. T. ingkang medal dinten poenika ngewrat wawasanipoen sadèrèk A. S. D. bab glédahan poenapa-déné tangkepan leider-leider P. N. I. ingkang anggondjingaken djagad Indonesijah.

Ing ngandap poenika para maos koela petikaken wawasanipoen serat-serat kabar sanès sawatawas.

Bintang Timoer, boten ngandel manawi P. N. I. gadah nijat badé brontak. Anggènipoen makaten waoe nitik leider² P. N. I. dédé tijang bodo, mangertos ing pétang, saged ngoekoer kekijatanipoen, boten badé ndjarag ngoeloengaken bangsanipoen dados tedaning mimis. B. T. neda soepados Nagari toemoenten paring katrangan ingkang tjeta: 1. Poenapa inggih P. N. I. poenika pakempalan kados P. K. I., badé damel brontak, badé ngraman wonten awaling taon 1930. 2. Manawi glédahan poenika boten saged amboekèkaken: P. N. I. njata badé brontak, Nagari soepados ladjeng nerangaken tangkepiipoen ingkang tjeta kalijan pakempalan poenika.

Keng Po. Redacteur S. netepaken manawi P. N. I. wonten akiring taon 1929 waoe boten badé brontak. Margi makaten waoe, glédahan ingkang katindakaken Nagari mesti boten wonten wohipoen; boten pikan-toek boekti. Djer nijat badé brontak, ing kalangan P. N. I. pantjèn sepen.

Kaoem Moeda: Katrangan-katrangan ingkang pinanggih déning poelisi, sanadyan dèrèng mestileres, anedahaken manawi P. N. I. badé brontak. Katrangan-katrangan waoe boten kaandel golongan kiwa. Mah golongan kiwa sami mokalaken manawi pantoentoen P. N. I. ingkang pinter-pinter poenika sami kadoe-noengan manah édan badé ngawontenaken brontakan ing wekdal samangké, ingkang ateges sami oegi kalijan soedoe sarira. Nanging manoe kajakinanipoen **Kaoem Moeda** adedasar koepija kala 3 taon kapengker, prakawis wigati makaten poenika boten kènging dipoenwatanaken wonten ing panginten-inten toewin inggiling pasinaon. Nagari badé mangertos ing saleresipoen, lan inggih sampoen nindakaken sapreloenipoen. Tijang kedah boten kesoepon, anggènipoen Nagari toemindak makaten poenika roemaksa sampoen ngantos saèstoe wonten brontakan kados katrangan - katrangan ingkang dipoenpireng poelisi "Dan mengingat pada itoe, maka masing-masing orang jang tidak inginkan-rajat jang bodoh menjadi korban peloeroeh dari militair dan politie seperti jang soedah kejadian dalam taon 1926, haroes dan wadjib menghormat tindak Regeering jang keras pada waktoe sekarang ini.

Warna Warta: „Ngèneti djempol-djempolipoen P. N. I., koran poenika mokalaken manawi P. N. I. badé brontak. Manawi P. N. I. kantoentoen tijang ingkang namoeng nékad-nékadan poenika saged oegi. Waoe soel dipoenjepeng prijantoen kados-déné Ir. Soekarna, mokal manawi badé main sroedoe kados maésa édan.

Bahagia: Manoet kabar Specialedienst - Bahagia ingkang katampi saking Bandoeng, kala malem 29 Dec., dalem Kaboeapatèn Bandoeng katjopi badé kaobong, sarta sampoen mempan wonten kalih pangénan. Toedjoenipoen saged konangan. Ingkang ambesmi katjepeng.

Ngèneti kawontenan poenika, manawi kabar saking Bandoeng waoe temen, sarta katindakaken golongan P. N. I. gandèng kalijan wontening glédahan, **Bahagia** anetepaken: „maka actie perkoempoelan Kepala Banteng ini, pastilah olih golongan pendoeboek jang menghendaki *doenia tinggal sentausa dan keamanan tidak terganggu*, ada ditjela seheibat-heibatnja. Anggènipoen Bahagia makaten waoe margi antepipoen karta rahardjaning tanah lan kawoela Indonesijah boten badé saged katjepeng, manawi ngambah margi mata gelap. „Kita jakin, Indonesia akan madjoe, madjoe dan terangkat segala-segalanja, dengan djalan aman dan sentausa.”

Sedya-Tama, njarijosaken sababipoen galédahan poenika dèrèng wouten ingkang mangertos: margi Paréntah inggih boten ngoemoemaken preloenipoen poenapa nindakaken nandang P. N. I. kados makaten waoe. „Sawenèh nginten Paréntah tampi palapoeran saking para sepijoen ngamandaka, jèn bédjning 1 Djanowari 1930 P. N. I. badé

damel gègèr. Manawi temen, kok Paréntah inggih ladjeng ngandel kémawon, sarta panindaking prakawis poenapa boten wonten lampah sanèsipoen kedjawi ingkang pating groedoe ngjepengi tijang, ngosak-asik grijaning tijang, dèrèng kannten manggih tanda jekti pratitis. Poenapa sampoen wonten loenipoen P. N. I. badé damel gègèr: dèrèng! Poenika prakawis mokall Para pantoentoenipoen P. N. I. tetijang pangadjaran, sami saged noli dateng oekoeran kekijataning golonganipoen samangké, sarta kosok-wangsoelipoen oegi mangertos dateng kekijataning Paréntah. Dados panindaking Paréntah makaten waoe nama kirang waspaos, lepat-lepat sembiripoen saged noewoehaken oewoh ingkang kirang prajogi toemrap raosing kawoela oemoem, toewin oegi toemrap Paréntah pijambak. Liripoen: kawoela oemoem rehén kanjataan boten poenapapoenapa, mangka dipoentandangi kasar makaten, saèstoe ing dalem batos sami boten narimah, dados widji sengit, manahipoen kados dipoen-gagasah ingkang boten-boten, poenika menggahing katentraman: pitoena. Kinokok-wangsoel toemraping Paréntah mesti kontjatan pijandeling kawoela, dipoenraos terang badé makèwed ébah-ébahaning kawoela, dasar mentas wonten kabar Paréntah badé jasa pranatan énggal moerih poelisi wenang nenggangi parepatan ingkang winados toewin sasaminipoen.

Sokoer bagé sèwoe bilih tindaking Paréntah makaten waoe namoeng kanggé njatakaken reged resiking lebetanipoen P. N. I. kémawon. Éwadéné lampahipoen meksa ketjadjad kasar, kados njapèlèkaken daradjadiipoen tijang siti, langkoeng malih ingkang para saged, poenika prajogi dipoenèneti.

Bintang Mataram. Redacteur D. ing B. M. anggadhahi kajakinan: P. N. I. boten badé brontak. "Tetapi kaloe P. N. I. didoeaga adaken itoe tindakan brontak, soenggoeh-soenggoeh kita tinggal mesem. Kita jang bertaoe, baik dalam prive, maoepoen dalem pergerakan dengan pemimpin-pemimpin P. N. I., belon pernah mendengar sepatah kata jang maksoednja P. N. I. aken adaken perkosahan. Hal ini beroelang-oelang kita telah toelis.

Kita akoei jang leider-leider P. N. I. dalem peambitjaraanja diatiptiap vergaderingnja ada keras, tetapi kekerasan itoe sedikitipun tidak melanggar pada garisn wet jang diadaken oleh negeri. P. N. I. dalem actionja ada ditoedjoeken dengan openbaar, tida pernah ia menjembuhenken apa jang ia maksoedken. Tapi kita tida abis mengerti, dengan tjara jang terang-terang itoe, toch ia didakwa aken bikin pembontakan. Apatah ini hasilnja asoetan pers poetih?

Tjekak serat-serat kabar ing ngriki ingkang sapérangan ageng sami nglepataken tindakipoen Nagari, sarta netepaken P. N. I. boten badé brontak déning ngèneti pantoentoen, pantoentoenipoen dédé tijang sembarangan. Toemrap Sw. T. matoek kalijan pamanggihipoen **Kaoem Moeda:** prakawis inggiling pangadjaranipoen pantoentoen P. N. I. boten kènging kanggé wawaton anetepaken P. N. I. boten badé brontak. Poenapa brontakan ing poendi-poendi poenika pantoentoenipoen dédé golongan intelektueel?; malah bokmanawi kasagedanipoen tikel tekoek katimbang pantoentoen-pantoentoen P. N. I.

Sasampoenipoen kita soemerep wawasan-wawasaning koran Indonesijah, mangga sami nilingaken toemoesing lelampahan glédahan P. N. I. poenika wonten Nederland, poenapadéné Raad Kawoela. Sadaja ingkang kaseboet ing ngandap babonipoen saking *Aneta* ingkang kawrat ing serat-serat kabar.

Mr. Mendels (S. D. A. P.) warga Eerste Kamer, miterang schriftelijk dateng Minister Djadjahan toewan S. de Graaff, bab glédahan P. N. I. ing Indonesijah.

Sneevleit atas Arbeids-Secretariaat ngintoenaken protes loemantar tilgram dateng Minister Djadjahan.

Het Vaderland. (liberaal) ing Den Haag anggadhahi pamanggih, poenapa inggih tindak keras poenika, nama margi ingkang leres. Koran waoe boten ngandel kalijan

ébah-ébah ngawontenaken brontak. Malah sisib sembiripoen tindak waoe saged ngedalaken woh ingkang mitoenani dateng Nagari, poenapadéné nebihaken pakempalan² kabangsan kalijan Regeering.

Nieuw Rott. Cr. (koloniaal vrijzinnig): Kabar brontak waoe saged njata, manawi ing toemang-gaping warsa énggal èstoe wonten brontakan. Mila, Nagari manggali ing wekdal poenika tjara psychologie-nipoen wekdal ingkang matoek pijambak kanggé toemindak keras. Soemebaring pawartos brontak, waoe angindakaken actieveiteipoen Nagari, mitoenani ébah-ébah kabangsan. Llampahan kala November 1926, soeka piwoelang dateng Nagari, preloenipoen nindakaken tangkepan kanti énggal. Tetijang kedah ngentos woking papriksan serat-serat ingkang dipoenrampas. Tjekat-tjeket, poenapa-déné trampilipoen poelisi kènging dipoenpitados. Semanten oegi anggènipoen nindakaken soepados ing poendi-poendi kaanggé wados, mratjihnani poelisi kènging dipoenèndel.

Algemeen Handelsblad. (Koloniaal Conservatief) ing Amsterdam, anedahaken saja santeripoen ébah-ébah kabangsan. Paréntah anggènipoen toemandang ing damel, sareng kawontenanipoen sampoen boten kènging dipoenkèndelaken kémawon. Dateng kawéwékan mékani piawon, boten patos manah. **Swantenipoen golongan Sociaal Democrat.**

Warga Raad Kawoela Midden-dorp, miterang schriftelijk dateng Nagari, *sapsan:* poenapa paréntah nginten (vermoeden) manawi wonten malem tanggal 1 taon énggal, P. N. I. pantjèn badé damel gègèran? *Kaping kalih:* sapinten bablasipoen njataning panginten poenika? *Kaping tiga:* poenapa tindakipoen Nagari, ingkang mesti andajani kawoesanan ageng toemrap lalajanipoen Paréntah kalijan ébah-ébah kawoela, waoe-waoenipoen sampoen sarembag, roemijin kalijan Directeur Departement B. B. toewin Adviseur voor Inlandsche Zaken? *Kaping sakawan:* poenapa sababipoen déné tindak ingkang tètela noewoehaken kasoejdanan poenika boten kawatesan namoeng toemrap tetijang sawatawis ingkang mila kadakwa; nanging kok malah mrèntèk-mènrèk ngantos atoesan wonten pantoentoenipoen P. N. I., B. O., Studieclub, lss.? *Kaping gangsal:* poenapa sadèrèngipoen parepatan, Raad Kawoela ngadjeng poenika Paréntah karsa ladjeng énggal paring katrangan bab lekasipoen kala 29 Dec. 1929 poenika?; poenapa déné paring pirsasampoen sapinten wohing panitipriksa? preloenipoen minangka papadang toemrap kawoela, langkoeng-langkoeng pergerakan kabangsan ingkang dipoenkoewatosaken waoe?

Ing ngriki boten soesah koela tjirjosaken: koran *Het Indische Volk* (I. S. D. P.) mesti inggih ngrèntjangi barisan kiwa.

Toemoesipoen wonten Raad Kawoela.

College van Gedelegeerden, kala 3 Djan. sampoen ngrembag motienipoen warga Koesoema Oetaya, Roep, Soekawati, Soejana, lan De Hoog. Anggèneti koewatosing manahipoen kawoela ingkang margi tindakipoen Paréntah toemrap pakempalan kabangsan sawatawis, warga waoe sami njoewon, soepados ing dinten tapoejing parepatan Raad Kawoela, tanggal 10 woelan poenika, Paréntah sampoen saged paring katrangan nalar-nalar ingkang andjalari ladjeng toemindak makaten. Poenapadéné inggih soepados paring pirsasangsalsanaling paniti priksa.

Minangka katranganing motie, warga Koesoema Oetayan anerangaken bilih tetijang sami boten mangertos poenapa ingkang dados karsanipoen Paréntah. Poenapa anggènipoen toemindak makaten waoe namoeng katoemrapaken dateng P. N. I., poenapa karsanipoen Bestuur miwah Poelisi pantjèn inggih badé ngoelat-oelataken pakempalan - pakempalan kabangsan ingkang kapé-tang boten keras (gematigde Inlandsche vereeniging). Prakawis poenika noewoehaken koewatos (ongerustheid).

Warga toewan Fruin boten pitados manawi prakawis waoe noewoehaken koewatos; poenapadéné miterang poenapa sapoenika dèrèng doemoegi titimangsanipoen anindakaken lampah requisitoir toemrap P. N. I., saha anetepaken pakempalan waoe njoelajani katentraman oemoem.

Pangarsa anggènetaken rembagipoen toean Fruin ingkang kantoen waoe, boten dados rembaging parepatan wekdal poenika.

Warga toewan De Hoog anerangaken koewatos waoe kawedar wonten pawartos (geruchten) warni-warni, mila kasoeuwen kalajan sanget soepados Nagari toemoenten paring katrangan.

ONTJÈN SEKAR GAMBIR MELATI.

NAMPÈNI SWANTEN SAKING KONGGRÈS N.I.O.G.

CONFESSIONEEL ONDERWIJS LAN NEUTRAAL ONDERWIJS.

— 0 —

N. I. O. G.: „Ned. Ind. Onderwijzers Genootschap” inggih ingkang asring kaparaban „Naar Indië Om Geld,” pantjèn sanget anggènipoen malangi Confessioneel Onderwijs!

Prakawis poenika katjeta wonten swantening konggrès-konggrèsipoen.

Nanging Confessioneel Onderwijs (sakolahan adadasar Agama) wonten salebeting djagad N. I. O. G. kènging katgesaken: „moeng sakolahan-sakolahan Missie lan Zending.”

Wonten pamboekaning konggrès kala 26 Dec. 1929, pangarsa N. I. O. G. toewan de Korte, mahjakaken actienipoen N. I. O. G. mengsah Confessioneel Onderwijs. Anggènipoen njababken mesti kémawon kados ingkang sampoen-sampoen: „Margi sakolahan Missie toewin Zending poenika meksa moerid-moeridipoen nganggé dadasaring Agama Katholiek toewin Protestant; laré-laré ingkang sakolah wonten ngrikoe sami sengit kalijan tijang Agama sanès, lss.

Kados ingkang toemindak wonten sakolahanipoen Missie, pameksa poenika babar pisan boten wonten. Inggih leres ing sakolahan ngrikoe wonten „Piwoelang Kaoetaman.” Nanging poenika boten ateges: moerid-moerid kedah toemoet miringaken, anggènipoen kedah toemoet Agaminipoen Missie.

„Nanging, botjah - botjah marga saben-saben tanpa woelangan, rak bandjoer doewé rasa seneng.”

O, seneng poenika dèrèng ateges poeroen oetawi kedah nglampahi. Senengipoen laré dateng satoenggiling tjarijos, dèrèng soeka paseksèn manawi laré waoe poeroen nglampahi kados ingkang kaseboet ing dalem tjarijos.

Sinten mastani: „seneng koewi nglakoni!” — poenika tetep tijang bodo!

Kadjawi poenika, manawi wonten moerid sakolahan Missie badé loemebet dados Katholiek, mesti boten badé katampi manawi tanpa palilahing tijang sepehoipoen. Poenika soeka paseksèn, ing salebetipoen djagad Missie boten wonten ambet-ambetipoen nindakaken systeem pameksa.

Toewan de Korte tjarijos ingkang koela pendet soeraosipoen, kirang langkoeng makaten: „Ing taon kapoengkoer satitik - satitik N. I. O. G. bisa kasembadan ngajomi *wewenang wong toewa marang anak*, adja nganti kadajan sakolahan Missie lan Zending. (1)

Pamedar sabda sengit kalijan propagandah Agama Katholiek toewin Protestant medal margi bijzonder onderwijs. Mila, golonganipoen ladjeng kaadjak ngijataken barisan kanggé preloening sakolahan Goepremèn (Openbaar Onderwijs) „Manawa kepeksané sakolahan Goepremèn ora njoekoepi, wong koedoe *jasa pakempolan kanggo ngedegake sakolahan Neutraal*. (2) Preloené adja nganti wong-wong toewa kélangan wewenang anggoela-wentah anaké, margi ora ana sakolahan lijané kadjab sakolahan kag dionjok-onjokaké. (Kadjengipoen: sakolahan Missie lan Zending; *Patjr. Mrh.*)

Para maos! Tetemboengan ingkang koela serat dojong ing nginggil poenika, koela atoeri manggali saèstoe!

Ing ngrikoe tètela: (1) N. I. O. G., angakeni wewenangipoen tijang sepoeh toemrap anakipoen.

Rikala koela ngrembag „Katholiek Indonesia kalijan sakolahan” (zie Ontjèn no. 45, tn. 29) ing ngrikoe boten kirang tjeta anggèn koela anggaraken wawaton Katholiek toemrap sakolahan: „Tijang sepoeh anggadhahi wewenang dateng anak. Tijang sepoeh wenang milihaken sakolahan anakipoen. Margi makaten waoe, boten kènging manawi Nagari ladjeng moengel: anakmoe koedoe kosekolahaké kéné. Dados terang: sakolahan-sakolahan poenika boten kok sadaja kedah saking Nagari enz.”

Ngèneti dadasar waoe, kita wandawa Katholiek boten badé mamalangi adegipoen sakolahan-sakolahan partikelir! Mandar antep kita: saja katah sakolahan partikelir, saja prajogi!

Sadèrèk Soetadi, wonten ing parepatan Raad Kawoela ddo. 30 Djoeli '29 kalanipoen angrembag prakawis onderwijs, anjarjosaken boten gadah pakèwed poenapapoenapa toemrap kasregepanipoen para pangrèhing Confessioneel Onderwijs anggènipoen ngadegaken sakolahan-sakolahan.

Samanten oegi kita, ngoegemi dadasar ing nginggil, inggih boten mamagoli adegipoen sakolahan-sakolahan M. D., B. O., Taman Siswa, Zending, lss.

Kadjengipoen ing tanah kita wonten sakolahan pinten-pinten, warni². Djer saben tijang anggadhahi golongan pijambak! Saben golongan ngoegemi kajakinan pijambak! Lan, wadyabala Katholiek ingkang ngoegemi dadasar, mesti inggih poeroen ngaosi dadasar oetawikaantepaning sanès. Dados inggih boten anggarèndjel manawi wonten golongan Islam ngedegaken sakolahan mawi dadasar Islam. Boten serik, manawi golongan Neutraal ngedegaken sakolahan Neutraal, golongan B. O. ngedegaken sakolahan B. O.; golongan kabangsan ngedegaken sakolahan Taman Siswa lss.

Kadjengipoen Indonesijah wonten sakolahan partikelir warni-warni! Kawoela oemoem mangké saged nitosi pijambak poendi ingkang saé; poendi ingkang tjotjog kalijan manahipoen; ingkang laras kalijan dadasaripoen!

Sakolahan warni-warni ingkang béda dadasaripoen waoe, sadaja saged njekapi betahipoen kawoela Indonesijah: kekiranngan sakolahan. Ing salebeting „béda dadasaré,” saged minangkani *roekoen*; roekoen sami déné njekapi betahing kawoela babagan onderwijs.

Fanatiek poenika, wonten poendi-poendi! Ing djagad Islam, wonten! Kalangan Katholiek, wonten! Ing golongan Neutraal inggih boten kirang! Mila, toemrap Patjar Mérah boten badé gèt-gèten manawi wonten prijantoen ingkang njoelajani pamanggihipoen!

(2) Para maos! Pakempalanipoen para goeroe Walandi N. I. O. G. poenika: a) *Nengenaken sakolahan Goepremèn*. Manawi dipoenbijaka dadanipoen mesti wonten seratan: *kabèh sakolahan koedoe jasan Goepremèn!*

Pandjenganan sampoen sami pirsasadam-idaman „kabèh-kabèh koedoe Nagara!” poenika gagajoehanipoen sovjet-isme! Lan, tatanan ingkang makaten tètela boten leres déning njahak wewenanging tijang sepoeh toemrap anak!

b) Nanging jèn kepeksanipoen sakolahan Goepremèn boten njekapi, tijang kedah ladjeng *jasa pakempalan kanggé ngedegaken sakolahan Neutraal*.

Ing ngriki terang: golongan N. I. O. G. ngéngingaken wontening sakolahan partikelir. Nanging namoeng sakolahan Neutraal.

Wawaton makaten poenika terang boten leres, boten adil! Djer, poenapa inggih sadaja tijang poenika Neutraal? Poenapa inggih sadaja tijang njakabat N. I. O. G.???

Manawi makaten djangkapiipoen N. I. O. G., boten lepat manawi kita ladjeng ngelokaken: „O, nèk ngono, kowé déwé barisan N. I. O. G., ja meksa wong-wong soepaja pada Neutraal! Tegesé: nipisaké, ngreng-gangaké, ngilangaké sidji - sidjining golongan karo kaantepan!”

Satoenggal-toenggaling tijang oetawigolongan poenika dados propagandist, mropagandakaken ingkang dados antepipoen! Prakawis poenika boten kènging dipoensèlèki! Boten kènging dipoenoeikiri!

Golongan Neutraal sampoen mestinipoen mropagandakaken Neutraal! Golongan Islam: Islam! Golongan Boeda: Boeda! Makaten sateroesipoen! Lan boten kirang tijang ingkang anggènipoen ngantepi antepipoen ngantos boten adjrih pedjah; boten adjrih sangsara!

Mila, barisan N. I. O. G. sampoen ladjeng ngengèl-engèl golongan Missie oet. Zending anggènipoen ngwontenaken sakolahan! Awit Missie anggènipoen makaten waoe, inggih boten béda kalijan toewan de Korte c.s. anggènipoen jasa sakolahan Neutraal.

Soemangga kita golongan Katholiek ngetog kekijatan, amboekèkaken manawi gadahan kita langkoeng bregas! Kawoela oemoem koela tanggèl badé nitosi pijambak! Lan, djordjoran makaten poenika saged toemindak kanti ngaosi dadasaripoen sanès golongan!

Mangga dipoenpenggalih! Wonten „Ontjèn” mbéndjing Djoemowah, Patjar Mérah tjalon ngrembag: „Sakolahan Missie kalijan Opvoeding!”

Kumuningsasèl 5 Djanowari 1930. Taklim: PATJAR MERAH.

TJÈT GILAP wedalan **FRIELING** model **A.**

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;
sablèg regi 10,50 5,50 3,- 1,30 0,75;

TJÈT GILAP model **B.** kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.

PABRIK TJET R.B. FRIELING,
Gondhomanan 8 — DJOKJA — Telefoon no. 784.

**Koela matoer
noewoen dateng
para sadèrèk
ingkang maringi
kawiloedjengan
warsa énggal.**

B. SOEMARNA.

Njaosi priksa, bilih anak koela **MARIA SOETANDIJAH**,
kala 27-12-1929 kapoendoet ing Goesti.— Koela sanget ma-
toer noewoen doemateng para sadèrèk ingkang sami béla
soengkawa poenapa malih kersa angrahapi ngoentapaken la-
joning anak koela. Kedjawi poenika koela matoer noewoen
doemateng Rama Pastoer, Pangroekti Laja, poenapa déné para
padvinders „Morgenster” ing Soerakarta, ingkang sami nga-
tingalaken tjantjoeting tandangipoen. Bab sembahjangan, ing-
kang toemoedjoe doemateng koela, inggih sanget kasoewoen.—
Ing wasana panoewoen koela, moegi-moegi Goesti ama-
lesa doemateng kamirahan pandjenengan sadaja waoe.

Taklim koela: familie:
J. A. POERWOATMODJO.

Ketellan 28-12-1929.

M. v. BIENE.
Toekang herlodji
dan Toekang emas.
Adres jang
moerah
DJOKJA BANDOENG
Telf. 252 Telf. 226
boeat LONTJENG, HER-
LODJI dan PERKAKAS
EMAS.
Pembatja
SWARA TAMA,
dengan bawa lembaran
Swara Tama
dapat **POTONGAN.**

**PAKOLÈH TOER LOEWESAN
SAÉ TOEWIN AWÈT
INGGIH NAMOENG
MERK GAZELLE**
INGKANG AWOEDJOED
ALCYON
DUNLOP } RIJWIELEN
R. I. W.

Nitjil kénging! — Kentjèng soekoer!

GAZELLE HUIS — ROEMAH GIDANG
MALIOBORO — DJOKJA — TELEF. 508.

KALAU BELI OBAT - OBAT

DJOKJA

DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamania baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO

„RATHKAMP”

MALIOBORO

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA

„RATHKAMP”

DJOKJA

tanggoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

ALMANAK MELAJOE 1930

soedah habis didjoeal
Dalam koerang lebih tiga boelan sadja soedah
bisa lebih dari

40.000

(beloem terhitoe 40.000 Volksalmanak
Djawa dan Soenda)

akan tetapi djangan takoet
sebab mengingat keperluan toean² jang beloem
memesan, **BALAI POESTAKA** soedah moelai
tjéat tambahannja Volksalmanak Melajoe

8000 lagi!

SIAPA SOEKA BOLEH BELI,
SIAPA SOEDAH TENTOELAH POEDJJI!

Toko DJOEN & Co., Djocja.

PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannja.

**ROTIE-ROTIE, KOEWEE-KOEWEE dan
BESCHUIT-BESCHUIT KERING.**

**SROETOE-SROETOE dan ROKOK-
ROKOK, jang haloes dan kasar.**

Djoega slamanja djangan loepa minoem kita
poenja **KOFFIE BOEBOOK**, jang spèciaal die
giling dengan machine Electrics, bisa giling aloes
dan kasar, menoeroet pembellie poenja perminta'an
die tanggoeng sampee menjenengken, harga per
pond f 0.90.
Boli dateng saksiken!

Memoedjiken dengan hormat
Toko DJOEN & Co.

TOKO BARANG-BARANG — H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak-anak;
Tempat tidoer, lampoe gasoline, dan
— permainan boeat anak-anak ketjil. —

**Semoea barang paling djempol, dan
moerah sekali!**

Sasampoenipoen débatan sawata-
wis, motie waoe katampi boten
mawi kaendi.

Boekti-boekti njekapi.

Tilgram Locomotief saking Ban-
doeng 2 Jan. martosaken ingkang
wosipoen: glédahan ingkang katin-
dakaken kala 29 Dec. 1929 poeni-
ka, boten kok namoeng atas da-
woehipoen Pokroel Djéndral pijam-
bak, kados ingkang kaseboet ing
serat-serat kabar. Poelisi anggè-
nipoen toemindak makaten waoe
pantjen atas dawoehipoen Nagari
ingkang loemantar Pokroel Djéndral.

Kawartosaken oegi bilih barang-
barang ingkang karampas saking
kalangan P. N. I. soeka boekti njek-
api ingkang ngantos (boten kaléntoe
déné) Paréntah ladjeng toemindak
keras nangkapi leider-leider P. N. I.,
poenapadéné nindakaken glédahan.

Manoet **Aneta** saking Bandoeng
2 Januari, saminggoe sadèrèngipoen
wonten gropjokan, katingal saja
santeripoen pergerakan P. N. I. Pra-
kawis poenika katitik margi katah
wontening tjabang - tjabang P. N. I.
énggal, poenapadéné indaking war-
ga. Kadosdéné ing Cheribon poeni-
ka wiwit woelan Dec. gadah warga
énggal 150. Warga waoe wonten
ingkang saking kalangan poengg-
gawa S.S. poenapa. Nanging poeng-
gawa S.S. ingkang dados warga P.
N. I. inggih boten patosa katah.
Namoeng kondèktoer - kondèktoer
kémawon ingkang kagládah, margi
dipoen - grajangi dados plajangan
serat-serat wados.

Ir. Soekarna badé kaboetjal.

Manoet pametjanipoen **Java Bode**,
djempol P. N. I.: Ir. Soekarna lan
taksih wonten malih badé kaboetjal.
Pamboetjalipoen boten dateng Di-
goel; dateng Molukken!

Java Bode martosaken oegi bilih
sawatawis woelan kapengker Ir. Soe-

karna dipoenpitoetoeri wakil Regeer-
ing toewan Kiewiet de Jonge poe-
napadéné Adv. Inl. Zaken toewan
Gobee soepados anggènipoen nin-
dakaken actie ingkang kanti sarèh.
Pitoetoer waoe dipoenwangsoeli:
sariranipoen boten badé mantoeni
actienipoen; badé mardikakaken
Indonesijah! Nanging prakawis poe-
nika ladjeng ka-dorakaken Nginggil.

Serat kabar waoe njarijosaken,
wakil dienst afd. sepjoen sampoen
saged njoemerepi nama-namanipoen
tilas warga partij Douwes Dekker
ingkang sapoenika dados adviseur-
ipoen pakempalan P. N. I.

Sakedap malih Nagari badé ne-
rangaken pamanhgihipoen toemrap
P. N. I., sarta Kepala Banteng badé
pakempalan ambebajani (staatsge-
vaarlijk).

Java Bode njarijosaken oegi, gan-
dèng kalijan glédahan poenika, Moh.
Hatta pangandjoer Perhimpoean
Indonésijah ing Nederland, ingkang
tjalon noentoe P. N. I. késahipoen
dateng Indonesijah dipoenodoer.

Wasana kawartosaken bilih katah
warga P. N. I. ingkang sami neda
medal.

Manifest Nationalisten.

Gandèng kalijan wontening glé-
dahan poenika, pangandjoering pa-
kempalan-pakempalan kabangsan-
saking golongan pinten-pinten nge-
dalaken Manifest dateng kawoela
Indonesia, sarta dipoensoekani nama
Manifest Nationalisten.

Soepados toelèn, koela tedak
soengging kémawon kados ing ngan-
dap poenika.

Ra'jat Indonesia,

Penangkapan dan penahanan be-
berapa pemoea-pemoea pergerakan
dan penggeledahan diseloeroeh
Indonesia diroemah-roemah dan ba-
dannja berbagai-bagai orang jang ter-
sangkoet dengan pergerakan, mem-

boekitikan keadaan politiek jang sa-
ngat tidak aman.

Menoeroet berita jang dima'loem-
kan di soerat-soerat kabar maka ke-
adaan jang terseboet, berdasar atas
toedoeahan-toedoeahan bahwa pemoe-
ka-pemoea jang ditangkap atau di-
tahan telah bermaksoed akan men-
gadakan hoeroe hara jang meng-
ganggoe keamanan oemoem.

Melihat pengalamannja pemoea-
pemoea jang besar-besar dalam per-
gerakan dan mengingat pengetahuan-
annja masing-masing, maka soesah
masoek dalam kepertjaja'an kami o-
rang bahwa toedoeahan-toedoeahan
itoe berdasar atas kebenaran.

Kami pertjaja, bahwa pemeriksaan
jang lebih djaoeh akan memberi ke-
terangan jang djelas tentang ber-
bagi-bagi keragoean dan toedoeahan
serta sekalinnja ini akan memboek-
itikan kebersihan dari pergerakan In-
donesia dengan seoemoemnja.

Oleh karena itoe Rajat Indonesia
baik laki-laki maoepoen kaoem isteri
haroes melakoekan kesabaran serta
mendjaoehkan segala kelakoean jang
tidak patoet atau tidak sjah, soepaja
djangan memberatkan atau menjoe-
sahkan pemeriksaan atas pemoea-
pemoea jang ditangkap atau ditahan.

Djangan memboeat salah satoe
actie sendiri-sendirinja dan me-
noenggoelah pemerintah dan per-
mintaan kami bersama-sama jang
tentoe tidak tinggal diam akan men-
dapat penerangan dalam keadaan
jang penting ini.

Ingatlah! segala kelakoean jang
kamoe boeat bisa ditimpahkan at-
as pemoea-pemoea jang terseboet
diatas, sedang mereka tidak berkoe-
asa dan tidak mendapat kesempatan
akan menjegah atau membantahnja.

Soetomo
Koesoemo Oetoya
Tjokroaminoto

Oto Iskandar
Dachlan Abdoellah
Thamrin.

Doemoegi samanten kémawon roe-
mijin, kados sampoen njekapi kagem
ngraosaken wonten ing lelampahan
2 kala tanggal 9 Dec. 1929.

R Hadiwidjana, warga Prov. Raad.

R. Hadiwidjana goeroe basa Dja-
wi ing Kweekschool Moentilan,
ingkang nembé poenika katarimah
iksamenipoen kanggé nlgebeti Taal-
cursus, kaangkat dados warga Prov.
Raad.

Ngatoeraken kasoegengan! Postzegels boten kanggé.

Pandjenengan sampoen pirs-
a, prangko - prangko poenika wonten
ingkang pangaosipoen kaetjapaken
ing prangko sanès ingkang dédé
mestiniipoen. Oepami prangko regi
12½ sèn, dipoenetjapaken wonten
prangko pangaos 17½ sèn. Dados
prangko ingkang pantjenipoen waoe-
nipoen pangaos 17½ sèn dipoen-
soekani etjap 12½ sèn.

Sawenèhing prangko-prangko ka-
dos makaten poenika, **sabakdanipoen
woelan Djanoewari poenika**, wonten
ingkang ladjeng tanpa pangaos,
tegesipoen boten kanggé damel, i.p.

a. Prangko 1 sèn kaetjap tjemeng wonten
prangko pangaos 4 sèn [biroe, doenoenging
angka wonten ellips ingkang tanpa waoe
tanpa werni].

b. Prangko 12½ sèn kaetjap abrit wonten
pr. pangaos 17½ sèn [semoe abrit [bruin-
rood], gambar Radja Poetri Wilhelmina
madep manengen, ingkang minangka dasar:
seganten kalijan baita kapal].

c. Prangko 12½ sèn kaetjap abrit wonten
pr. 22½ sèn [kapoeranta [oranjel]; gam-
bar Radja Poetri madep manengen; dasar-
ipoen: saganten kalijan kapal api].

d. Prangko 20 sèn kaetjap biroe wonten
prangko 22½ sèn [kados c.].

e. Prangko 40 sèn kaetjap abrit wonten
prangko 50 sèn [idjem, gambar R. P. Wil-
helmina madep mangiwa, mawi palm].

f. Prangko 80 sèn, kaetjap abrit wonten
prangko 1 roepijah [bruin, njawo mateng,
gambar R. P. Wilhelmina madep mangiwa,
palm].

g. Prangko - pos - oedara 10 sèn, kaetjap
tjemeng wonten prangko 12½ sèn [abrit,
gambar R. P. Wilhelmina manengen; sagan-
ten; baita kapal].

h. Prangko - pos - oedara 20 sèn, kaetjap
wonten pr. 25 sèn dadoe, lili; gambar ka-
dos g.].

i. Prangko - pos - oedara 40 sèn, kaetjap
tjemeng wonten prangko 80 sèn [oranjel;
gambar kados f.].

j. Prangko - pos - oedara 75 sèn kaetjap
biroe wonten prangko 1 roepijah [njawo
mateng; gambar kados: i.].

k. Prangko - pos - oedara 1½ roepijah ka-
etjap tjemeng wonten prangko 2½ roepijah
[karmijnrood; gambar kados: j.].

Sabakdanipoen tanggal 31 Djan.

serat² ingkang dipoenprangkoni
postzegels ingkang kaseboet ing a—
k, kaanggep ongefrankeerd oetawi
ontoereikend gefrankeerd.

Sinten ingkang taksih njimpen
prangko-prangko ing nginggil, **sa-
lebetipoen woelan Februari 1930**,
kénging kalintokaken dateng sadaja
kantorpos oetawi hulppostkantoor,
badé kalintonan prangko ingkang
sami aosipoen. Prangko ingkang
kalintokaken waoe, boten saged
angsall lintoe arta.

Wiwit tanggal 1 Februari, prang-
ko-prangko ingkang pangaosipoen
kaetjapaken wonten prangko sanès
waoe, ingkang taksih kénging di-
poenanggé, namoeng.

1. prangko 32½ sèn kaetjap bi-
roe wonten prangko 50 sèn (idjem).

2. prangko 50 sèn kaetjapaken bi-
roe wonten prangko 1 roepijah (bruin).

3. kartoepos lamba lan rangkep,
5 sèn, kaetjap tjemeng wonten pr.
13½ sèn.

4. kartoepos lamba lan rangkep,
5 sèn, kaetjap abrit wonten prang-
ko 7½ sèn.